

RREGULLORE E BRENDSHME

PEZULLIMI I PUNËS PËR NJË STANDARD PURO SHQIPTAR TË RI, APO RIPUNIM I NJË STANDARDI KOMBËTAR EKZISTUES

1. Objekti

Objekt i kësaj Rregulloreje është të sigurojë plotësimin e detyrimeve të DPS-së për procesin e pezullimit gjatë hartimit dhe adoptimit të Standardeve Shqiptare.

2. Qëllimi

Kjo rregullore hartohet me qëllim zbatimin e kërkesave të Rregullores së Brendshme të CEN&CENELEC, Pjesa 2/2011 dhe plotësimin e kushteve për t'u bërë anëtare me të drejta të plota në këto organizma. Në këtë rregullore shprehen në mënyrë të detajuar gjithë procedura që ndiqet në DPS për pezullimin e punës për një standard puro shqiptar (S SH), apo rishikimin e një standardi shqiptar ekzistues.

3. Referencat

- Ligji Nr.9870, dt. 04.02.2008 “Për Standardizimin”, i ndryshuar
- Rregullorja e Brendshme e CEN-CENELEC Pjesa 2: “Rregulla të përbashkëta për Punën e Standardizimit”, publikim i vitit 2011 (pika 2.1 dhe 5);
- Kushti 2 (c) : rregulloret e brendshme të DPS-së të reflektojnë plotësisht kërkesat e dhëna në Rregullore e Brendshme të CEN-CENELEC Pjesa 2: “Rregulla të përbashkëta për Punën e Standardizimit”, 2011 që lidhen me procedurën e pezullimit.

4. Termat e përdorur

Të gjitha termat e përdorura në këtë rregullore dhe që nuk janë listuar në këtë paragraf i referohen përkufizimeve të dhëna në ligjin 9870, “Për Standardizimin”.

4.1 Standard puro Shqiptar

Është standardi i miratuar nga DPS në përputhje me ligjin Nr. 9870 “Për standardizimin”, që përgatitet nga një KT i DPS-së, dhe që nuk është adoptim i një standardi evropian ose ndërkombëtar.

Shkurtime e përdorura

Shkurtimi	Përcaktimi
<i>DPS</i>	Drejtoria e Përgjithshme e Standardizimit
<i>DeS</i>	Drejtoria e Standardeve
<i>DIE</i>	Drejtoria e Integritit Evropian
<i>CEN</i>	Komiteti Evropian i Standardizimit
<i>ISO</i>	Organizmi Ndërkombëtar i Standardizimit
<i>S SH</i>	Standard puro Shqiptar
<i>KT</i>	Komitet Teknik

<i>GP</i>	Grup Pune
<i>BT</i>	Bordi teknik
<i>TS</i>	Specifikim Teknik

5. Pezullimi (Standstill) dhe fusha e zbatimit

Sapo në nivel European fillon puna për hartimin e një standardi për një subjekt të caktuar, nuk mund të publikohet një standard i ri kombëtar dhe/ose të ripunohet një standard kombëtar ekzistues me të njejtin subjekt. Kjo quhet “**Pezullim**”.

Pezullimi është një detyrim i pranuar nga anëtarët kombëtare të CEN / CENELEC për të mos marrë asnjë veprim, qoftë gjatë përgatitjes së një EN (dhe HD për standardet e CENELEC), ose pas miratimit të tij, i cili mund të dëmtojë procesin e harmonizimit për të cilin synohet dhe, në veçanti, për të mos publikuar një standard të ri ose për të rishikuar një standard puro kombëtar që nuk është plotësisht në përputhje me një EN ekzistuese (dhe HD për standardet e CENELEC).

Gjatë kësaj periudhe nuk zhvillohen apo paraqiten standarde për fushën në fjalë. Pezullimi aplikohet për një projekt-standard të një fushe të caktuar dhe me fushë-veprimi të përcaktuar shumë qartë.

Pezullimi nuk aplikohet për specifikimet Teknike, si dhe për fushat apo programet e punës së DPS-së kur adoptimi kryhet pa devijime të EN-ve.

Marrja e vendimit për të filluar një procedurë pezullimi i takon Bordit Teknik dhe KT përkatës, i cili është përgjegjës edhe për mbajtjen nën mbikqyrje të pezullimit.

Pezullimi fillon ditën e lëshimit nga CMCC të pyetsorit fillestar, iniciuar nga Bordi Teknik.

Pezullimi vazhdon të qëndrojë në fuqi deri në shfuqizimin e EN-s, me përjashtim të rasteve kur shfuqizohet me vendim të BT, ku pesha e secilës votë është e njejtë.

6. Rastet përjashtimore

Në rastet kur siguria e jetës ose shëndetit publik është në diskutim dhe kërkohet marrja e veprimeve urgjente, lejohet mundësia e mos-respektimit deri në fund të pezullimit dhe zbatohen procedura “paralele” specifike. Në këtë rast DPS do të qarkullojë për mendim publik projektstandardin vetëm në nivel kombëtar.

7. Pezullimi nuk çënohet kur:

- a. Projekt/standardi është qarkulluar për mendim publik dhe është standard i ISO/IEC apo i CEN/CENELEC;
- b. brenda tre muajve të fillimit të pezullimit një anëtar tjetër ka miratuar një standard të tillë;
- c. është bërë publikimi nga një anëtar tjetër i CEN/CENELEC i një standardi të ISO ose IEC i adoptuar pa ndryshime nga anëtari dhe për të cilin nuk ekziston asnjë EN apo HD (për fushën e CENELEC).

8. Shmangia e pezullimit

DPS kërkon leje për shmangien e pezullimit kur:

Me kërkesë zyrtare drejtuar BT të CEN, standardi nuk përfshihet në rastet b. dhe c. më lart dhe kur DPS kërkon:

1. Të ndryshojë një standard kombëtar ekzistues (për të reflektuar të rejtat më të fundit të teknologjisë);
2. Të publikojë një standard të ri kombëtar për nevoja urgjente të vendit);
3. Të adoptojmë një draft EN ose HD të fushës së CENELEC;
4. Të adoptojë një document referees me apo pa ndryshime si standard kombëtar;

Përgjigja nga BT merret brenda një periudhe prej pesë muaj nga data e marrjes së kërkesës.

8.1 Kërkesa për shmangie nga pezullimi përfshin:

- Arsyen e kërkesës dhe dokumentacionin mbështetës;
- Numrin e dokumentit të punës ose referencat e EN-ve të publikuara, të cilat preken, statusin e tyre të progresit dhe lidhjen me kushtet e pezullimit.
- Referencat që i përkasin projektstandardit kombëtar (p.sh. numri, titulli, fusha e zbatimit, data) dhe ndryshimet e synuara;
- Angazhimin për të shfuqizuar standardin kombëtar dhe zëvendësimin e tij me EN përkatëse, kur ekziston, si dhe deklarin se parathënia kombëtare do të përmbajë një referencë ndaj projektEN.

8.1.1 Të gjitha kërkesat për shmangie nga pezullimi duhet t'i adresohen sekretariatit të KT, nëse ka, dhe një kopje në CCMC.

Shënim: Kur nuk ka KT përgjegjës dhe në vend të tij përgjegjës është BT, aplikohet e njëjta procedurë.

8.1.2 Për të siguruar transparencë të plotë DPS duhet të dërgojë në CCMC dhe sekretariatit e KT një kopje të standardit kombëtar të publikuar me referencë ndaj vendimit për shmangie të pezullimit.

9. REGJISTRI

Me qëllim zbatimin sa më korrekt të kësaj rregulloreje, Drejtoria e Standardeve krijon, mirëmban dhe ruan regjistrin përkatës.